أحاسيس مدفوعة الأجر محمد عز الدين

أحاسيس مدفوعة الأجر / شعر محمد عز الدين الطبعة الأولى ، ٢٠٠٩



دار اكتب للنشر والتوزيع

القاهرة ، اش المعهد الديني ، المرج

هاتف: ۲۲۲٤٤٠٥٠٤٧،

مویلل: ۲۹۰۱۵۲۴۱۰ - ۵۳۰۳۲۸۸۱۰

E - mail: dar\_oktob@gawab.com

المدير العام:

يحيى هاشم

تصميم الغلاف:

هانی مصطفی

رقم الإيداع: ۲۰۰۹/۷۳۱۸

I.S.B.N: 944-944-7794-47-9

 $\mathcal{I}_{i}(\mathbf{x}_{i}) = \mathbf{c}_{i}$ 

جميع الحقوق محفوظة©

# أحاسيس مدفوعة الأجر

شعر


محمد عز الدين

الطبعة الأولى

4 - - 4

DKTOB HET

دار اكتب للنشر والتوزيع



# /sul>

إلى أبي وأمي وأختي حسبي أنكم أنا

إلى محمود رسمي رب أخٍ لم تلده أم

إلى الشمس نافذتي المطلة على الحياة

إلى جمعية مصرالمستقبل دفء العطاء



من أسبوع عدًا
كنت ببُص من البلكونة
ألاقي الناس بتغني
كان الكورنيش لسه بيضحك
لسه بيجمع بين العشاق
بطريقة بسيطة
متر × متر
وشوية عصافير خيالية
مع لسعة برد خفيفة
بتداري على قلوب دفيانة بجد
ما اعلش مسيري أخف من السكر
والربو وغيره
وان شالله أحب في نفسي —

النيل حارس غفلان بالقصد متدفي بكتر الناس حواليه .. والحب \*\*\*

> امبارح استغربت كتير لما صحيت من النوم ماسميعتش حاجة - أول مرة أحس بخفة وروح فرحانة – بصيت لدولابي لقيته مسهم قمصاني

كتبي

موبايلي

كله مفنحل عينه وقاعد .. بس فِ صمت

مش ناقص

غير فنجان القهوة السادة

واعرف إني ...... حوفًا م الفكرة لفّيتني جوّه لحافي حطيت على راسي مخدة .. ونمت \*\*\*

الليلة من ساعة ماصحيت وأنا نايم ف مكاني عيني المقفولة ما بتفتحش ما بتفتحش حوّه مفاصلي حلقي المتمرر حلقي المتمرر من ساعة ماعييت مش حاسه العالم من جوايا سواد ولا ده حلم – هو أنا فعلا صاحي الأغرب إني بجد ما حاولتش أصرّخ

\*\*\*

صوت القرآن العالي ناس واقفة قصادي وأنا عريان - غطّوني المايه بتنزل فوقي ومش حاسس – غطّوين والدي بيبكي بحرقة - غطّوني أمي بتنده من بره الأوضة عليا – غطّويٰ یاه یا امّا كام مرة طلبت إنك تنسي

وفكّرتك ما بحبش سيرة الموت ع الريق



# ع الأصل دور

الخوف أصيل
بيصاحب الواحد
على طول الحياة
خايف تعيش .. تموت .. تقول
خايف و بس
أكبر نموذج للصداقه
لو خدت أيامك قصادك
كعب داير
عمرك تلاقي حد
يوفيلك مثاله ؟!

\*\*\*

كل اللي مكتوب ع الجبين لازم تشوفه غصب عنك افتح شبابيكك و طل على الشوارع شوف البشر .. ماشيين كُتل أمواج بتتصادم وتتلاحق و تنهار ع الرصيف يربط ما بينهم شئ أساسي ..... الخوف مابيسبشي الطريق

\*\*\*

لو مرة حسيت التحدي بيحرفك أدخل في أوضة مقفّلة غمض عيونك واعتبر نفسك وحيد بس افتكر إنّي نصحتك قبل ما تحاول الوحدة مش موجودة أصلا شم الهوا حواليك

هتلاقي ريحة الخوف رفيق حارس أمين

\*\*\*

الباب قصادك افتحه و اجري من غير ما تسأل اليه اللي مستنيك وراه ؟! شيل الحسابات الكتيرة اللي ف دماغك جرب تخوض التجربة جرب تخطي خطوة واحدة ما يبقاش أكرة الباب ما يبقاش أكرة الباب الوحيدة الوحيدة واقف .. غريبة ليه ما زقتشي و حرجت

المرة دي واحب عليك إنك تحاول اهرب إليك اقلب شريط القصة و ابدأ من جديد حاصر مشاعر خوفك اضغط و اجبره يصاحبك على كيفك أول ما تحتاجه تلاقيه أول ما يحتاجك يخبط ع البيبان الخوف ماهوش ندل تلاقيه دايما بيحميك من حاجات ممكن تشقلب دنيتك لكنه أضعف م المطبات و النُقر

و عينيه مابتشوفشي الأمل \*\*\* واحد و بس

واحد و بس هو اللي بيقود المسيرة و انت الأحق



#### شخبطة

ضل
واقف عند ناصية حارة
هربت م الخرايط
بين عيون الناس .. وبينه
عمر مُستَعمَر بخوف
طفل لسه ما اعترفش برهبته
مد رجله يخطّي
يكسر حاجز الشبورة
ويفتش ملامحه
- الفضول بوابة
صرّخت أمه بلهفة : أوعا
غاب الواد ف لحظة

يخدوها لبعيد قد ما قدرة تقاوم قد ما الشبورة زادت واختفا ..

\*\*\*

الضباب عطا المحلات والبيوت المنادي لما بيلف المشوارع ف الضباب لاجل ما يدور علي اللي تاه علي اللي تاه بيرسم دايره من حواليه ويمشي حوة منها – عدا كام ساعة ولسه الواد ما بانش كل أهل الحارة رافعين الأيادي

والدموع مسامير بتترع حلدهم فجأة ... شيخ الحارة قرر إنّه يتكلم فقال :

- وحدووه

\*\*\*

ضل حارة ماسكة بين شارعين أدام نور بيخرج م العواميد الكتير بس باهت الخلايق تحت سطوة الانتظار واقفين طابور – لا بيتوه الطريق في العتمة في العتمة بتغيب الوشوش بعض بعض

بكره ما يكونلوش ملامح –
لمّ تتنادى الأسامي
كله يتلخبط
ولكن حد بيعدّي
ويدخل ف الضباب
البياض
بيغطّي أركان الحياة
الشوارع ضل خايف
المدينة كلها ما باقتش ......

الوطن لو كان محرد ضل تبقا الناس بواقي شخبطة

## " المشهد الأول "

ضلام حالك ولمبه فحأه بتنور خيوط م الناس بتدارى في بعضيها فتتلخبط ما تعرفشي اللي كان بيزق في صحابه من إللي في آخر الهامش زعيق فارد جناحاته يشاور للجميع يسكت يدوس الخوف بظباطه على الموجود عيون تنزل من الرجفة

ويتصاعد أنين مدبوح ( ياعيش سيدنا زعيم الكل ياعيش سيدنا إللي كاسي الكل ياعيش سيدنا إللي ما في حد يستحرا يدوسله ضل)

...........

ضلام تاني دبيب يعلا ويتخافت ف ضهره سكون بيتسحب على المسرح ويتمحلس

\*\*\*

" المشهد التاني "

إضاءة خافته ع المسرح يبان الضل ف الشباك و يتمطع يقولها بضحكة مكتومة

(عشانكوا وبس هسيب الشمس تتعرف على وشوشكوا واسيبكوا تزرعوا الأحلام و تتمنوا وهادّيكوا نماية كل دهر حزين يومين فرحه ولاجل اني كريم حدًا هاتدعولي وتتباركوا وتخليدا لدي اللحظة تسموا كل أطفالكوا علی اسمی ) يغيب الصوت و تفضل بقعة الضل القديم ع الحيط يزيد النور ببهتانه ويدخل من شمال الجرح

كام كومبارس
وكام يافطة - بتتبرأ- من المكتوب
و ف الزحمة يهلل كل واحد
باللي متحفظله م الأول
فيتداخلوا
وتتلعبك عيون الناس
في بعضيها
ويترف م الديكور الدم
و يطرطش
ضلام تاني
ضلام تاني
دبيب يعلا و يتخافت
ف ضهره سكون
بيتسحب على المسرح

\*\*\*

### "المشهد التالت "

دواير نور بتتعارك مع الضلمة تلال صناديق بتتراكم على اكتاف الخلايق .. مُر سبح و دقون بدل وعيون شنط مليانه ع الفاضي بتتخانق على المظلوم جيوش خيالات بتتعكز على الزحمة تموت الكلمة فِ الصندوق تتوه الحكمة م الحاكم و م المحكوم و تتساقط دموع الحلم ع البلاتوه

محاولات الهروب
تفشل
وف الركن البعيد حدًا
يبان السجن ف العتمة
شعاع النور
يضيع السجن ف الواقفين
وكلمة " لأ "
تتحول بقدرة عمنا السجان
لصرخة " آه "
ضلام تاني
دبيب يعلا و يتخافت
ف ضهره سكون
بيتسحب على المسرح
ويتمجلس


\*\*

## " المشهد الأخير "

ف نور مرعوش

بیتكلفت بتوب بهتان و متقطع
یبان الضل ف الشباك و یتمطع
ویخرج من جراب الحزن
کام کومبارس
و کام یافطه - بتتحالف - مع المکتوب
( یاعیش سیدنا کبیر الکل
یاعیش سیدنا إللي ساق الکل
یاعیش سیدنا إللي مافی حد یستجرا
یاعیش سیدنا إللي مافی حد یستجرا
یدوسله خل
مدوسله خل
ضلام تایی
دبیب یعلا ویتعالا
وف عیون إللي باعوا الکل م الأول

يبان الضل



علَّق مشنقته ف سقف الأوضه وقعد يستنَّى....

\*\*\*

على أول درجة من السلم حُس بدوخة وألم بيزيد في مفاصله يدغدغ فيها ضاقت أنفاسه ركَن ع الحيطة وساب حسمه يترل زي ما نقطة مايه بتتسحب على حنب إزازة

كان مجبر يقعد
ويسلم للحظة
حط الشنطة ما بين رجليه
وفضل يلعن ف المرض المزمن
انكسرت عينه ثواني
لحقها
ببصة لآخر دور
واتشعلق حبة
ف نور لمبة بترعش

\*\*\*\*\*\*\*\*\*\*\*\*\*\*\*\*\*

ما قدرش یکمّل بص ف رجَّع عینه قصاده وقرر ما یدمّعش

\*\*\*

فاق من نومه ف لقاه ع السلم لسه اتعكز على بطن الحيطة

وحاول يرفع نفسه لفوق أول ما اتماسكت رجليه اتحرك وطِلع في هدوء وكأنه بيترجا ف ِ حسمه يكمّل ويحاول يوصل بيه للشقة - في الضلمة الروح ما تلمحشي طريق ف بتتخبط والنور المرعوش .. بيزغلل ف ما ينفعش يكون المرشد – فِ الدور الرابع کان خلّص کل حمولته انهار ع السلم وفضل مدة طويلة يجمّع


فِ اللَّي اتبعتر منه – كالعادة ما لقاش الضحكة بتاعته ولا نظرة عينه الفرحانه -ف ندم إنه مابيشلش ماديليَّة بدال مايحط حاجاته ف شنطة على طول مفتوحة

دخل الشقة واتفقدت آخر نقطة إصرار فِ ملامحه اتحطت عينه على السقف .. ولزقِت - الجيب الفاضي الشنطة المليانة كتب الدور العاشر ف عمارة قديمة نقص الدم فِ روح بني آدم

إحساس إنك مش موجود ف دفاتر بكرة .... بوّابة مصديّة – الدمع اتصلّب

\*\*\*

الموت مش حل بديل



### ستوب كادر

كوبري قصر النيل فاضي زي العادة لما الشتوية بتقرص ودن الخلق الأرصفة بتكتك م البرد العواميد بتنام العواميد بتنام النيل قاعد ع الكرسي و ساكت و ساكت حاضن دراعاته في صدره حاضن دراعاته في صدره متكلفت بكوفية و بلطو وماشي

يادوب بيطلع صوت -ينتبهوا و ياخدوا أماكنهم تاني العرض هيبدأ بدري الليلة المرّادي ما استنّاش الفحر و قرر يعمل تغيير

\* \* \*

على غير العادة ماشي ع الكوبري ما بيغنيش ولا بيصفر ولا بيحكي مع العواميد عينه مش باين ملامحها – الواد بيدمع – الواد أبو قلب حنين ماله – ايه اللي بيحصل يا جماعة أصواقم تعلى و تتعالى

هو مش سامع حد و مکمّل مشي ..

\* \* \*

حط إيديه ع السور
و نظر للنيل
و دموعه بتزحف
تحتل مداخل و مخارج وشه
ساعه .. اتنين
الحال هو الحال ما بيتغيرش
النيل ببرود
بيبص لعين الواد .. ما بيرمش قرب الفحر بحبه
قرب الفحر بحبه
قرر انه يعدي الناحية التانية
من الكوبري
حلقه المتمرر
عارف

فوقف لحظة

\* \* \*

كشّاف عربيه بتجري بسرعه واحد من بره المشهد بيصرّخ ... حاسب

#### رصيف نمرة ......

في آخر حتة م الشارع وقبل الحيطة ما تسد الطريق ع النور قعد تعد كرّمش حياته حوّه حضنه .. ونام مرور الناس على ضله ما كانشي جديد ف ما قلقشي ما كانشي المال فيه ولا حدّش سأل فيه يا دوبك فار من اياهم فضل باصص لوشه وهو بيفكر وهو يفكر

بعد ما الهد بقتيل تاني

\*\*\*

دموعه عششت ع الوش باشت نظرته ووقعت وفردت ضل مش مفهوم ملامحه اتحركت رجليه .. مشي يتفحص الفتارين في قلبه ودنيته بتدور كما النحله

تعب

مدّد لأول مرة في الشارع وغطا عينيه بمنديله إللي كان أبيض وسلّم أمره للمخاليق \*\*\*

حيانة رجله للسكة

بلا أسباب ما نستهوش يسيب علامات عشان ما يتوهش وبردوا .... تاه

\*\*\*

قصاد البحر ما وصيلشي فــِ يوم للبحر \*\*\*

سكك فاضية مافيش عناوين تدل عليها مربوطة ف ديل بعضيها واقفة طابور ولسه القطر بيآوح عشان ياحد مكانه ع الرصيف عدت محالت الحياة فاضل يحطات الحياة ويجرش في ركن الموت

فيران بتدوس على بواقيه وبتحاول تنط وتدخل الجحر إللي كان مسدود رغيف العيش على اكتافها بتهرب بيه من المشهد

\*\*\*

دموعه حرّکت روحه عشان یهرب .. وما اتحرّکش قعد کرمش حیاته جوه همّه فِ صمت وحط دماغه ع الحیطة

\*\*\*
کابوس واحد ما بیکفیش
عشان نرجع من الرحلة


#### يا ليلة العيد

الليلة
اكيد .. مش عيد
و الفرحه
في عيون الناس الواقفة
اكيد مفتعلة
و الفمر الخارج للدنيا
كأنه بحرد طفل
كداب
كداب
يبداري العجز المتخبي
في حلبيته البيضه
ما هو بردوا بالعقل
العيد إزاي هايكون موجود ؟!
و ماحسش بيه
إزاي هايشوف الدنيا

خراب و الموت بيخبط ع الابواب و يخش يلاقي الناس مقتوله و هاييجي ؟! إزاي هايكدّب عينه ؟! و ها يسمح للفرحه تعدّي السور

\*\*\*

یا احوانا اکید أنا مش بحنون و إن حتی فرضت بحرد فرض إن اللیله الواقفه یبقا العید لو جانا بأمر إداري و بتصریح من مسؤول مش هایكون



### عدسة مقعرة

بعيش رغم احتمالات الفشل واقف على رجلي ما بتزلش ولا اطاطي على المحط البسمة فوق وشي واشد الدمع جوايا لحد ما يختفي .. ينشف و تتلكع بواقي الملح فوق روحي فوق روحي أشيل نفسي لحد البيت فينشلني من الزحمة فينشلني من الزحمة يغطس روحي في المايه صابون .. شامبو ولوفه تكحت الايام

و تفركني
أعوم على صفحة اللحظة
أحاول إني أفرقني
يا جوز ويايا
تتفرق ملامح خنقتي
و خوفي
ياجوز وجعي يقِل
ياجوز أنام و ارتاح
بآوح كل يوم أكتر من الأول
و اعلى صوتي
و اعلى صوتي
ف الضحكه

... سعيد كلمة غريبة ع اللي جوايا أتعودت اتوَجّع

أحس بقلقي من بكره و م الموجود أحس بحزن أنا أتعودت أعيش بتعاد

\*\*\*

وجودك كان مجرد حلم محرد إني احس صديق بيرتحللي وبرتحله بنرسم سكه بين طريقين بنرسم قنطره توصل عيوننا لبعض بنستجري نقول " لأ " لحاجات ياما و نتحدى .. و نتمادى نشوف الدنيا لمة صحبة حنية

طفوله بتجري جنب البحر و تغني مراكب شمس لسة جديدة ع المرسى .....

ما فرّحكيش

\*\*\*

ف آخر ليله زي الحلم م اتفسر بقعد نفسي ع المكتب و نفس المطره بتحبط على الشبابيك اربّح راسي ع الكرسي و اشوف الحنقة فوق راسي بتتمرجح

# أربع حيطان

وحدك المرعوشة بين شعرك المرعوشة بين شعرك تبص بلهفه لمرايتك تكديما تشوح نظرتك لبعيد دموع تتزل خفا م الحنوف و تتخفا ف حَمار عينك سَهَر واقفين سَهَر حاجرد زغلله ف العين – محرد زغلله ف العين – محرد زغلله ف العين – و إنت اللي مش طايل

سواك يبكي عليك أبسط نتيجه لاستهانتك بالمرض الدنيا بتقفّل عليك . وحدك.

\*\*\*

ساند إيديك ع السور شروخ الحلم باينه للحميع للحميع مهما تترجم بابتسامة ضيقة كلمة تجاهل هتبان ضعيف تسند زيادة و تبتدي تاخد شهيق يقف الهوا ف صدرك حداد دخان مغطى الدنيا

من حواليك اقفل مسامك كلها ها تموت

\*\*\*

الدنيا برد إيدك بتخبط ف الحاجات ما تحسهاش البرد إحساسك .. و بس

\*\*\*

بتمر من بين المسام آخر بواقي روحك الهربانه تتلفت تبص عليك بحزن حِدِّك كتير قال لك تواجه موتك المحتوم بصبر و نسي الشجاعة

\*\*\*

وحدك بسيطة م انت طول عمرك لوحدك مهما وقف حنبك بشر \* انت الغريب ...

باب مصدّي باب وحيد من غير أكّر زي ما تقول الزمن حطّه ف دماغه وقرر يبتليه بالانتظار

......

" مُرَّه الليالي يا زمن والصبرعِلّة روحي بتحلم تنحلي بس المذلّة طبقا عليّا بهمها .. ع القلب حلّه لا باينلي فرحة يا زمن ولا ضحكة هلّه "

قِفل مُدْهَب طول حیاته شغلته حارس أمین عینه ما بتغفلشی لحظة

قلبه عمره ما لان في مرّة وانفتح

" الصبر موّالي والقسوة دي حالي لا ف يوم عرفت البكا ولا كانشي لي غالي واقف أنا مطرحي لو حتى مين حالي لا اشتقت يوم للسفر ولا مَر على بالي "

سلسلة مفاتيح بتبكي ع الرصيف عمر بيحرّب عليها سطوته مال فوقيها جدار مهكّع ضمّته ضل حيط ولا شمس تاكل قلبها

" يا باب مقفول على روحي وقلبي عليل ماليش ع الدنيا دي طاقة ولا في حيل دموعي ضلّت السكة ضربني السيل لقيتني والزمن فوقي وحملي تقيل "

فِ المزاد أنتيكات على كل لون ذكريات على كام هديّة صغيّرة على ضحكة ملفوفة بشوكها دمع لسه سخن صورة لأرض تانية قلب طفل

> " یلّا قرّب .. یلّا جرّب یلّا شوف کل حاجة تساوي حاجة

يلًا قرّب واشتري والتمن ...... أرخص كتير "

# فهرس

إهداء
متر × متر × متر × متر
ع الأصل دوّر
شخبطةشخبطة
المسرحيةا
مشنقة
ستوب كادر ٣٧
رصيف نمرة
يا ليلة العيد

٤٩		•				 •			•			•	•	٠.	•	•	•		•	 	 	 •	•				•	•	•	•	 •		•	ة	٠		مة		سة	. س	٠	ء
٥٣	•		•	•	•			٠.		•	•		•	•								•	•	-	•	•			•			٠.	-	ن	ار	Ļ	2.	>		_	<b>.</b>	۱,
٥٧		•				 •	•													 	 	 •						•						•		.;	<del>-</del>	تا	ر	<u>.</u> و	ی	ر